

AYMAVILLES

De ieui veun-tì lo non Vatican ?

Deun le viou ten, lo Vatican l'ie lo non d'eun tsantì de Roma, di djé dret di *Tevere*, fran eun fase di Tsan de Mars é a drèite di *Gianicolo*.

Da premì l'ie an litse mâsan-a é umida ; l'ie to vâco, maque bon p'alé eun tsan.

Tchica de ten aprì, Agrippina l'a fé de dzen dzardeun de sisse croué vâco ba i pià de la couta.

Todzor lé pe lo Vatican, l'ampereur Nérón l'a fé fiye eun petchou sirque privó ; lé dedeun son itó tchouè le premì martire crétchèn, é euncó l'apotre Piére que l'è itó eunterró fran lé.

Dèi adón, si tsantì l'è viìn eun semetchio : tan pe le payèn que pe le crétchèn, tanque i ten de l'ampereur Costanteun que, deun le-z-àn que van di 326 i 333 aprì Jezù Cri, l'a baillà ordre de eumplan-é lo sondzón de la crita pe bâti la premiye bazeleucca dé-diaye a sen Piére.

L'è maque dèi l'an 1870 que lo Vatican l'è la rezidanse di sen Pée : i moyèn adzo llu itae deun lo Palé di Latràn é pi tar s'è tramó deun d'atre eumpourtante bâtisse de Roma, comme lo *Quirinale*, que i dzor de oueu l'è la rézidanse di prézidàn de la repeleucca italiéna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, juin 2002

Texte publié en 2008 dans « Le-z-Amaveulle » - Bibliothèque d'Aymavilles

Collaborateur d'Aymavilles pour la traduction : **Liliana Bertolo**

La transcription a été soignée par le Guichet Linguistique

Mise à jour de la graphie : octobre 2013